

DISKUTIM INTELIGJENT NDËRAKTIV

**QASJA E PASQYRËS
SË BILANCIT
NË KOHËN E COVID-19**

23 qershor 2020

CFRR»»

**Centre for Financial
Reporting Reform**



WORLD BANK GROUP

Qendra për Reformën e Raportimit Financiar (CFRR)
Praktika Globale për Qeverisjen, Banka Botërore
Adresa: Praterstrasse 31, 1020 Vienna, Austria
Internet: www.worldbank.org/cfrr
Email: cfrr@worldbank.org
Phone: +43-1-217-0700



Programi I Kontabilitetit dhe Raportimit në Sektorin Publik
Web: www.pulsarprogram.org

DISKUTIM INTELIGJENT NDËRAKTIV

QASJA E PASQYRËS SË BILANCIT NË KOHËN E COVID-19

23 qershor 2020, 08:30 sipas orës së Uashingtonit, online

KONTEKSTI

Qeveritë po përballen me vendime buxhetore të paprecedentë, në kundërpërgjigje ndaj pandemisë së COVID-19. Ato po shpenzojnë e po marrin më shumë hua, edhe pse të ardhurat e brendshme buxhetore janë në rënie. Pasqyrat financiare, siç është pasqyra e bilancit e qeverisë, dhe informacionet të cilat jepen në to, mund të luajnë një rol të rëndësishëm në marrjen e vendimeve për shpërndarjen e burimeve të pakta.

Objektivi kryesor i këtij seminari virtual është diskutimi dhe informimi i pjesëmarrësve mbi mënyrën se si të interpretohet, reflektohet dhe parashikohet vendimmarrja shtetërore gjatë krizës mbi pasqyrat e bilancit të qeverive. Disa prej temave të cilat do të diskutohen gjatë seminari janë: i) Cilat janë tendencat afatmesme më të mundshme sa i takon ndikimit në pasqyrën e performancës financiare, në pasqyrën e pozicionit financiar dhe në pasqyrën e flukseve monetare të qeverive; ii) Si mund të ndihmojë qasja e pasqyrës së bilancit në të menduarit afatgjatë, në kundërveprimin ndaj iluzioneve dhe në mbrojtjen e vlerës neto të qeverisë; iii) Si do të duhej të përfshihej në programin mësimor të formimit të sektorit publik qasja e pasqyrës së bilancit; dhe iv) Cila është përvoja e Britanisë së Madhe sa i takon shqyrtimit të bilancit nisur nga këndvështrimi i COVID-19?

GJUHA

Seminari do të zhvillohet në gjuhën angleze me përkthim simultan në shqip, boshnjakisht/kroatisht/serbisht dhe rusisht.

VENDNDODHJET DHE ORA

- **08:30** – Uashington, D.K.
- **13:30** – Londër
- **14:30** – Beograd, Podgoricë, Prishtinë, Sarajevë, Shkup, Tiranë, Vjenë, Zagreb
- **15:30** – Kishinav, Kiev, Minsk
- **16:30** – Baku, Tbilis, Jerevan

PROGRAMI | E MARTË 23 QERSHOR 2020, 08:30 EST

Fjala e hapjes

08:30

Fjala e mirëseardhjes dhe prezantim i shkurtër i temës dhe i folësve

Daniel Boyce | Menaxher Praktike për Qeverisjen në rajonin EAQ, Banka Botërore

Ndikimi i COVID-19 në pasqyrat financiare

08:40

Si ndikohen zërat kryesorë të të ardhurave, shpenzimeve, aktiveve, detyrimeve, flukseve monetare dhe kapitalit neto të qeverisjes? Si t'i interpretojmë tendencat

Alex Metcalfe | Shef i Politikave të Sektorit Publik, ACCA

Ndjekja e qasjes së bilancit për vendimmarrjen buxhetore

08:55

Si mund të ndihmojë qasja e pasqyrës së bilancit në të menduarit afatgjatë, në kundërveprimin ndaj iluzioneve dhe në mbrojtjen e vlerës neto të qeverisë? Futja e kësaj qasjeje në programet e formimit

Srinivas Gurazada | Drejtues i ekipit të projektit, KP-E, PULSAR; Kryespecialist global për menaxhimin e financave publike, Banka Botërore

Dmitri Gourfinkel | Drejtues i ekipit të projektit, KP-RF, PULSAR; Specialist i lartë për menaxhimin financiar, Banka Botërore

Frans Van Schaik | Profesor i kontabilitetit, Universiteti i Amsterdemit & ekspert për SNKSP-të

Përvoja britanike lidhur me shqyrtimin e bilancit: kundërpërgjigja buxhetore ndaj COVID-19 (pritet konfirmimi i folësit)

09:15

Tendencat më të fundit në Britaninë e Madhe të cilat dalin nga shqyrtimi i bilancit dhe ndikimi që kanë në politikat buxhetore në kuadër të COVID-19.

Vicky Rock | Drejtor, Shpenzimet Publike, Thesari Mbretëror

Pyetje dhe përgjigje drejtuar nga

09:30

Arman Vatyan | Drejtues i Programit PULSAR; Pikë Qendrore Kontakti për Qeverisjen për Azinë Qendrore, Banka Botërore


Patrick Piker Umah Tete | Bashkëdrejtues i ekipit të projektit, KP-E, PULSAR; Specialist i lartë për menaxhimin financiar, Banka Botërore

10:00

Fundi i seminarit virtual

JETËSHKRIMET E FOLËSVE DHE DREJTUESVE TË SEANCËS

(sipas rendit të marrjes së fjalës)



DANIEL BOYCE

Menaxher i Praktikës së Qeverisjes, Banka Botërore

Daniel Boyce është Menaxher Praktike për Llogaridhënien dhe Raportimin Financiar në Praktikën Globale për Qeverisjen të Bankës Botërore. Aktualisht mbulon Amerikën Latine dhe Karaibet, si edhe Evropën Lindore dhe Azinë Qendrore. Është kontabilist publik i certifikuar (CPA) dhe mban titullin doktor në shkencë politike nga Universiteti i Kalifornisë, Los Anxhelos (UCLA). Zoti Boyce është përgjegjës për mbikëqyrjen e cilësisë së punës në drejtimin financiar operativ të Bankës Botërore dhe të aktiviteteve për rritjen e kapaciteteve të zhvilluara nga personeli i drejtimit financiar në të dy rajonet përkatëse të BB-së, përfshirë edhe udhëheqjen e nismave të lidhura me kontabilitetin, raportimin financiar dhe auditimin.



ALEX METCALFE

Shef i Politikave të Sektorit Publik, ACCA Global

Alex Metcalfe është shef i politikave të sektorit publik pranë ekipit “Professional Insights” në ACCA. Punon për zhvillimin e udhëheqjes teorike për sektorin publik dhe përfaqëson ACCA-në në një sërë aktiviteteve dhe forumesh të rëndësishme. Ka punuar në të gjitha nivelet e qeverisjes qendrore dhe vendore në shërbimin civil britanik dhe kanadez, përfshirë edhe në postin si specialist i lartë i shkencave ekonomike, në fushën e politikës fiskale, pranë Ministrisë së Financave të Ontarios. Ai ka publikuar materiale mbi një gamë të gjerë temash të sektorit publik, përfshirë: financimin e infrastrukturës, të drejtën e marrëdhënieve të punës, politikën buxhetore, imigrimin dhe aftësitë në punë dhe kujdesit social për të rriturit.

Alex është bashkëpunëtor shkencor i Shoqatës Mbretërore për Nxitjen e Artit, Manufakturës dhe Tregtisë (RSA), anëtar i këshillit në komitetin e sektorit publik të Konfederatës së Kontabilistëve të Azisë dhe të Paqësorit (CAPA) dhe i këshillit redaksional të serisë së librave akademike “Kontabiliteti dhe llogaridhënia në shërbimin publik”. Ka studiuar pranë universiteteve të Oksfordit, të Kembrixhit dhe në Universitetin e Mbretëreshës në Ontario.



SRINIVAS GURAZADA

Specialist i lartë për menaxhimin financiar, Drejtues i ekipit të projektit KP-E, PULSAR, Banka Botërore

Srinivas Gurazada është drejtues global për menaxhimin e financave publike (MFP) pranë Bankës Botërore, në Uashington D.K. Detyra e tij është sintetizimi i dijeve globale për MFP-në për t'i ndihmuar qeveritë të zbatojnë me efektivitet politikat buxhetore. Njohuritë dhe interesat e tij përfshijnë fuqizimin e sistemeve shëndetësore, reformat e buxhetit (për shembull, përgatitja e buxhetit në bazë të performancës/në bazë të produktit), mobilizimin e të ardhurave, reformat e kontabilitetit dhe të raportimit financiar, sistemet e kontrollit të brendshëm, auditimin dhe zhvillimin e diagnostikimeve (PEFA, TADAT, PIMA, SAI – PMF, ROSC, PERs etj.). Ka mbi 25 vjet përvojë në menaxhimin e financave publike dhe në qeverisje, pasi ka punuar në qeveritë e Indisë dhe të Omanit, në disa organizata të OKB-së dhe në Bankën Botërore. Është organizues i mbledhjeve të Grupit Teknik të Punës për Menaxhimin Financiar në sektorin shëndetësor dhe është anëtarë kryesor i UHC-së 2030. Drejton Komunitetin e Praktikës të Bankës Botërore për Llogaridhënien dhe Institucionet e Mbikëqyrjes, me fokus të veçantë të institucionet e kontrollit të lartë të shtetit. Është drejtues i ekipit të projektit për Komunitetin e Praktikës për Edukimin (KP-E) pranë programit të Kontabilitetit dhe Raportimit në Sektorin Publik (PULSAR).



DMITRI GOURFINKEL

Specialist i lartë për drejtimin financiar, Drejtues Ekipi për KPRF PULSAR, Banka Botërore

Dmitri Gourfinkel është specialist i lartë për drejtimin financiar pranë Praktikës Globale të Qeverisjes në Bankën Botërore dhe ka 14 vjet përvojë profesionale në menaxhimin e financave publike dhe përputhshmërinë me detyrimet e besnikërisë në një sërë vendesh. Përpara se të fillojë punë në Bankën Botërore në vitin 2007, ka mbajtur disa poste në nivel të qeverisjes qendrore dhe nënqendrore në Meksikë, si Këshilltar i Ministrisë të Financave, Kryekëshilltar i Zëvendësdrejtorit të Thesarit të Federatës dhe Kryekëshilltar i Kryetarit të Kontrollit të Shtetit për Qytetin e Meksikos. Dmitri është kontabilist publik i certifikuar nga Instituti Meksikan i Kontabilistëve të Autorizuar dhe ka kryer studimet e nivelit Master për administrim publik pranë fakultetit “Maxwell School of Citizenship and Public Affairs” të Universitetit të Sirakuzës. Dmitri është drejtues i ekipit të projektit për nënaktivitetin e kuadrit të raportimit financiar pranë programit PULSAR.



FRANS VAN SCHAIK

Profesor i plotë i kontabilitetit, Universiteti i Amsterdimit

Dr. Frans Van Schaik është profesor i plotë i kontabilitetit pranë Universitetit të Amsterdimit. Është ekspert për SNKSP-të për Bankën Botërore dhe FMN-në. Ka këshilluar qeveri kombëtare dhe organizata publike të sektorit publik në lidhje me vënien në zbatim të SNKSP-ve. Është autor dhe lektor për SNKSP-të dhe menaxhimin e financave publike (MFP). Ka qenë anëtar i BSNKSP-së (Bordi i Standardeve Ndërkombëtare të Kontabilitetit të Sektorit Publik), organi global i vendosjes së standardeve për raportimit financiar të qeverive dhe organizatave ndërqeveritare, nga viti 2006 deri në vitin 2011. Ka qenë anëtar i BSNKSP-së në periudhën kur Bordi ka publikuar standardet SNKSP 22 deri në 32. Është anëtar i grupit këshillimor konsultativ të BSNKSP-së prej vitit 2016. Profesor Frans van Schaik është Udhëheqës Global pranë shoqërisë “Deloitte” për shërbimet shtetërore dhe publike. Mban gradën Registeraccountant (kontabilist publik i regjistruar).



VICKY ROCK

Drejtoreshë, Shpenzimet Publike, Thesari Mbretërore, dhe zëvendësdrejtoreshë e Funkcionit të Financave Publike

Vicky Rock ka filluar punë pranë Thesarit të Britanisë së Madhe mars 2011, pasuar nga një komandim i shkurtër pranë “British Business Bank”, përpara se të kthehej në Thesar në korrik 2015 për të drejtuar Ekipin e Raportimit Financiar Shtetëror. Prej muajit janar 2019, mban postin e drejtorit për Shpenzimet Publike dhe zëvendësdrejtorit për Funkcionin e Financave. Është kontabiliste e kualifikuar.



ARMAN VATYAN

Krye-Specialist për Drejtimin Financiar – Pikë Qendrore Kontakti për Qeverisjen për Azinë Qendrore, Banka Botërore Drejtues Ekipi KP-KRF në PULSAR

Arman Vatyan, kontabilist i autorizuar në Britaninë e Madhe dhe Kanada, Drejtues Programi në PULSAR është pikë qendrore kontakti për Praktikën Globale të Qeverisjes në Bankën Botërore, i cili mbikëqyr zbatimin e veprimtarive të BB-së në fushën e Qeverisjes në Azinë Qendrore përfshirë në

fushën e menaxhimit financiar. Ai ka më se 20 vjet përvojë në drejtimin e nismave dhe reformave të rëndësishme të menaxhimit financiar, përfshirë në kontabilitetin dhe raportimin financiar në sektorin publik dhe atë privat, auditimin e brendshëm dhe të jashtëm publik, sistemin e informacionit të menaxhimit financiar (FMIS) dhe kontrollin e brendshëm publik në 24 vende në Evropë dhe Azinë Qendrore, Amerikën Latine dhe Lindjen e Mesme dhe Afrikën e Veriut. Ai drejton edhe Komunitetin e Praktikës për Auditimin e Brendshëm të PEMPAL në 23 vende (prej vitit 2008) dhe programe të tjera të suksesshme të MFP. Përpara se t'i bashkohej Bankës Botërore, ka punuar në KPMG për t'u ofruar këshilla për drejtimin e brendshëm, planifikimin strategjik, MIS, ristrukturimin, marrjet në pronësi dhe privatizimin qeverive dhe njësive ekonomike të mëdha me interes publik. Ka rreth 20 vjet përvojë në mësimdhënie në kurset e ACCA dhe si lektor i jashtëm në universitete dhe programe master.



PATRICK PIKER UMAH TETE

Specialist i lartë për menaxhimin financiar, Banka Botërore; Drejtues Ekipi për KPE-në

Patrick Piker Umah Tete punon prej 14 vjetësh në Bankën Botërore dhe aktualisht jep mbështetje këshillimore të kontrollit të cilësisë për drejtimin financiar për operacionet e financuara nga Banka në Ukrainë, Turqi, Taxhikistan dhe Republikën Kirgize. Ka përvojë në raportimin financiar të shoqërive tregtare, drejtimin financiar publik dhe drejtimin financiar për operacionet e Bankës. Patrick ka mbështetur zbatimin me sukses të Standardeve Ndërkombëtare të Kontabilitetit të Sektorit Publik me të drejta dhe detyrime të konstatuara në Tanzani dhe në Komisionin e Bashkimit Afrikan. Ka drejtuar punën për vlerësimin e rezultateve të Projektit të Llogaridhënies në sektorin privat dhe sektorin publik të Azerbajxhanit (CAPSAP) ku janë vënë në zbatim reforma dhe është rritur kapaciteti profesional në kontabilitetin e sektorit publik. Ka përvojë të gjerë në mbështetjen e punës mes vendeve në drejtim të harmonizimit të standardeve të kontabilitetit dhe miratimit për përdorim të SNKSP-ve. Gjithashtu, ka mbështetur organizatat profesionale të kontabilitetit të cilat dëshirojnë ta harmonizojnë edukimin kontabël duke përdorur standardet ndërkombëtare të edukimit të IFAC.

Patrick është anëtar i Shoqatës së Kontabilistëve të Autorizuar dhe të Miratuar dhe ka diplomë master në administrim biznesi nga Universiteti i Warwick, Britani e Madhe. Ka marrë formim për menaxhimin financiar publik në Universitetin Harvard, Universitetin e Londrës dhe Fondin Monetar Ndërkombëtar (FMN). Përpara se t'i bashkohej Bankës Botërore, Patrick ka qenë menaxher auditimi pranë KPMG-së.

PROGRAMI PULSAR

MENAXHOHET NGA


BASHKËFINANCOHET NGA



 Federal Ministry
Republic of Austria
Finance

CFRR 
**Centre for Financial
Reporting Reform**



 Schweizerische Eidgenossenschaft
Confédération suisse
Confederazione Svizzera
Confederaziun svizra

Swiss Confederation

Federal Department of Economic Affairs,
Education and Research EAER
State Secretariat for Economic Affairs SECO